



UNIVERSITÄTS-
BIBLIOTHEK
PADERBORN

Fasti Mariani

Brunner, Andreas

Antverpiæ, M.D.C XXX III.

S. Bernardinvs Sensensis. 20. Maii.

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

runt, quos hodie rariùs audimus, quia aures nostræ Sirenium sibilis occupatæ Angelis non patent. *Ex Surio.*

S. BERNARDINVS SENENSIS.

20. Maii.

BERNARDINO puero aras extruce-
re, quæ ad populum dici pro con-
cione audierat, ad pueros dicere, ludus
erant. Qualem nunc serium putas fuisse?
Verecundiâ tantâ fuit, ut cum inimicæ
castis auribus voces baccharentur, ad
quamcunque coronam accederet, illud
statim audiretur: *missa isthæc nunc facite;*
siquidem BERNARDINVS adest. Tantum
apud viros potest puer verecundus! Certè
puer ejusmodi verba prætextata in viro
alapâ castigavit, docuitque frontem
effrontem vel invitam erubescere: in
alium ejusdem culpæ reum totum
puerorum globum coëgit, qui lapidibus
scelus urbe proferberent. Fæminas
verò ex animo omnes, præter MARIAM,
deleverat. Hanc unam ille unicè amare,
ad hujus effigiem pro portâ urbis
vigilantem quotidie in genua
accidere; irridente necquicquam
proterviore pueritiâ, cum VIRGO
arrideret. Iam ubi inter discipulos
magni Francisci annumeratus est,
ea fuit dicentis pro virtutibus
contra vitia libertas, is ardor, ut ad
eum aleas flammis ustulandas
omnis
urbs

uirbs comportaret: adeò ut illi, qui his conficiendis vitam sustentarat, ultima paupertas immineret, nisi eidem autor BERNARDINVS fuisset nomen IESV deinceps tabellis insculpendi, quo factum brevi est, ut ditesceret etiam. Ipse Divus cum de nomine IESV sæpè sapius diceret, supra caput suum id ipsum quandoq; conspicuum habuit sole splendidius. Superi! quis unquam clarior extitit concionator? *Ex Surio.*

S. AVSTREGISILVS CONF.
20. Maii.

Purpuratum è Regiâ Franciâ Magistrum dabimus. Itantibus in bivio, & de divinitatis erga se consilio incertis. AVSTREGISILVS is est, qui à parentibus ad curam posteritatis impulsus, post longam frustrationem, trium Dynastarum nomina rotidè membranis inscripta aræ imposuit, ad quam trinoctio pervigilaturum se spondit, eum deinde sacerum optaturus, cuius sibi nomen sortitò obtigisset. Verùm alterâ ei nocte somnus obrepit, sed qualis esse solet divina patientium: videre enim sibi visus est Cœlites duos de suo cum Iusti iudicis filiâ conjugio colloquentes. Eum iudicem dum vigil postea inquit, vocari ad sacerdotium se, curamque Ecclesiæ intelligit, quæ scilicet ipsissima Iusti iudicis filia est.
Neq;